



IDRETTSLAGET SØYA
Sjøbakkan 7
6640 KVANNE

Saksbehandlar, innvalstelefon
Ola Betten, 71 25 84 76

Prestgardselva naturreservat, Surnadal kommune - løyve til oppkøyring av skiløype 2021 - 2030

Idrettslaget Søya søker om løyve til å preparere skiløype i Prestgardselva naturreservat. Preparering av skiløype med trakkemaskin er skånsamt mot vegetasjon og marka under. Statsforvaltaren vurderer ikkje prepareringa til å vere i strid med verneformålet eller at det vil påverke verneverdiane nemneverdig.

Statsforvaltaren gjev difor løyve til preparering med trakkemaskin av skiløypa på visse vilkår. Vilkåra er lista opp under vedtaket i slutten av brevet.

Bakgrunn

Statsforvaltaren viser til søknad datert 20.10.2021, samt tidlegare løyve av 04.01.2016 frå Idrettslaget Søya v/Lars Inge Kvande.

IL Søya søker om å få forlenge løyve til oppkøyring av eksisterande skutertrasé med trakkemaskin mellom Vang skiarena og retning Strengen. I følge IL Søya har eksisterande trasé vore oppkøyrte dei siste 25-30 åra. Deler av traseen går gjennom Prestgardselva naturreservat.

Det har blitt utført noko skogrydding i omsøkt trasé i samband med tidlegare løyve.

Statsforvaltaren si vurdering

Søknaden er behandla etter forskrift om freding av Prestgardselva naturreservat og naturmangfaldlova. Prestgardselva blei freda som naturreservat den 13.12.1996. Formålet med fredinga er å ta vare på eit svært rikt og fint utvikla bakkemyrlandskap med verdi som nasjonalt typeområde.

I følge verneforskrifta for naturreservatet er motorisert ferdsel forbode, jamfør IV pkt. 3. Det kan gjevast dispensasjon til motorisert ferdsel på snødekt frosen mark, jamfør V pkt. 6, men vi vurderer oppkøyring av ein fast trasé med pakking av snø til å vere meir omfattande enn meir tilfeldig snøskuterkøyring.



I naturreservatet er all vegetasjon, inkludert døde buskar og tre, freda mot ei kvar form for skade og øydelegging, jamfør IV pkt. 1. Vi legg til grunn at det kan vere aktuelt å fjerne lauvoppslag i traséen.

Vi legg til grunn at søknaden må behandlast etter § 48 i naturmangfaldlova. Statsforvaltaren skal legge naturmangfaldlova sine miljørettslege prinsipp (§ §8-12), jamfør § 7, til grunn i vurderinga, og skal vise korleis desse er tillagt vekt.

§ 8 – Kunnskapsgrunnlaget

Kunnskapsgrunnlaget er henta frå søknad, tidlegare forvaltningspraksis, synfaring av området og søk i naturbase og artskart. Heile reservatet er registrert som rikmyr med A-verdi i naturbase. Det er ikkje blitt gjort biologiske registreringar som har funne raudlisteartar i reservatet, jamfør søk i artskart 18.12.2015.

Statsforvaltaren vurderer at det er tilstrekkeleg kunnskap til å fatte eit vedtak i saka, og det er difor ikkje nødvendig å vektlegge § 9 «Føre-var-prinsippet».

§ 10 – Økosystemtilnærming og samla belastning

Naturreservatet er ei tidlegare slåtte myr og det er fleire gamle høyløer i området. Det ligg fleire hytter i området.

Det er allment kjent kunnskap at motorferdsel kan virke forstyrrande på dyreliv, og gje skade på vegetasjon om den skjer på barmark. I tillegg kan både spor og støy frå motorferdsel verke forstyrrande på friluftsliv. Spesielt viktig er det at all preparering av skiløype ved bruk av trakkemaskin i myrområde skjer på bakke som er frosen og med tilstrekkeleg snø. Under slike høve vurderer Statsforvaltaren at tiltaket ikkje vil føre til vesentleg skade eller belastning på verneverdiane.

Statsforvaltaren synfarte traséen den 06.11.2015 i samband med førre søknad. Det trengst ikkje gjerast nye fysiske inngrep i marka i samband med tiltaket, men vi legg til grunn at det kan bli akuelt å fjerne nokre småbusker som veks opp i traséen. Statsforvaltaren driv rydding av slåtte myrer i reservatet, og fjerning av busker vil kunne fremje verneverdiane.

Statsforvaltaren meiner at tilrettelegging for skigåing i naturreservatet i foreslegne løypetraséar kan gjennomførast utan at slitasten på området blir vesentleg høgare, eller at verneverdiane blir skadelidande. Vi vil difor leggje lite vekt på prinsippet om samla belastning i behandlinga av søknaden, jamfør naturmangfaldlova § 10.

§ 11 – Kostnaden ved miljøforringing skal berast av tiltakshavar

Om tiltaket skulle medføre ei forringing av miljøet skal kostnadane med retting og/eller tilbakeføring bærast av tiltakshavar.

§ 12 – Miljøforsvarlege teknikkar og driftsmetodar

Naturmangfaldlova § 12 tilseier at eventuelle tiltak skal utførast slik at ein unngår eller minimerer skadeverknader på naturmangfaldet. Så lenge oppkøying av traseen skjer på frosen mark med godt snødekkje vil det ikkje bli vesentleg skade på vegetasjonen. Vi meiner tiltaket er ei god tilpassing til § 12 i naturmangfaldlova.

Statsforvaltaren sin konklusjon

Idrettslaget Søya søker om løyve til å preparere skiløype i Prestgardselva naturreservat. Preparering av skiløype med trakkemaskin, så fram det er tele i bakken og tilstrekkeleg med snø i området,



synast å vere skånsamt mot vegetasjon og marka under. Statsforvaltaren vurderer ikkje prepareringa og evt. fjerning av småbusker til å vere i strid med verneformålet eller at det vil påverke verneverdiane nemneverdig. Statsforvaltaren gjev difor løyve til preparering med trakkemaskin av skiløypa på visse vilkår.

Vedtak

Statsforvaltaren i Møre og Romsdal gjev Idrettslaget Søya løyve til å preparere skiløypa mellom Vang skiarena og retning Strengen i Prestgardselva naturreservat.

Løyvet er gitt med heimmel i forskrift av 13.12.1996 om vern av Prestgardselva naturreservat, § 5 pkt. 6 og § 6, samt § 48 i naturmangfaldlova.

Følgande vilkår gjeld:

- All preparering skal skje på frosen og godt snødekt mark, og den skal skje omsynsfullt slik at det ikkje blir varige spor i terrenget.
- Løypetraséane skal vere i tråd med vedlagte kart.
- Løyvet er gyldig til 31.12.2030.
- Heilt nødvendig fjerning av busker, kratt og trær i mindre omfang.

Dersom det viser seg at køyring etter dette løyvet skadar verneverdiane, vil vi trekke tilbake eller endre løyvet.

Vi gjer merksam på at dette løyvet berre gjeld i forhold til verneforskrifta. Det må innhentast eige løyve frå grunneigarar og frå kommune.

Klageadgang

Vedtaket kan klagast på av alle partar i saka eller andre med rettsleg klageinteresse, jamfør forvaltningslova kap. VI. Klagefristen er tre veker og ei eventuell klage skal stilast til Statsforvaltaren. Det er Miljødirektoratet som er klageinstans.

Med helsing


Bjarne Otnes (e.f.)
fagleiar naturforvalting

Ola Betten
prosjektleiar

Dokumentet er elektronisk godkjent

Kopi til:

Surnadal kommune Bårdshaugvegen 1 6650 SURNADAL



Løypetraséen er vist med grå strek